

思益梵天所問經卷第三

萬三

錯謬

上七各反  
下迷切反

慘

倉感  
反

棧

音伐或作棧  
乘之可渡水

暄

計於

憤吏

教上公外反  
與開字同

二千四

二千四

二千四

二千四

思益梵天所問經卷第四

萬四

姚秦三藏法師鳩摩羅什譯

師子吼品第十九

爾時釋提桓因白佛言世尊譬如賈客主入於寶洲其所見皆是寶物如是成就不可思議功德者有所樂說皆是法寶所樂說者

陳來升

皆示實際所樂說者於諸法中無所貪著不著彼我所樂說者皆是真實無有顛倒所樂說者過去際空未來際不可得現在際不起見所樂說者不信解者得信解信解者得解脫所樂說者破增上慢無增上慢者自說所作已辦所樂說者魔不得便所聽法者超度

魔事所樂說者未生善法今生已生善法今得增長所樂說者已生諸煩惱今斷未生諸煩惱今不生所樂說者未大莊嚴今大莊嚴已大莊嚴者今不退轉所樂說者不斷滅諸法而護佛法世尊以是樂說能降伏一切外道所以者何一切野干不能於師子王前自

現其身何況聞其吼世尊一切外道諸論議師不能堪忍無上師子之吼亦復如是

爾時不退轉天子謂釋提桓因憍尸迦所言師子吼師子吼者為何謂也答言若行者說法無所貪著是名師子吼若行者貪著所見而有所說是野干鳴不名師子吼起諸邪見

故天子汝當復說所以為師子吼者天子言憍尸迦有所說法乃至如來尚不貪著何況餘法是名師子吼又憍尸迦如說修行名師子吼決定說法名師子吼說法無畏名師子吼又憍尸迦若行者為不生不滅不出故說法名師子吼若為無垢無淨無合無散故說

法名師子吼又僑尸迦師子吼名決定說一切法無我無衆生師子吼名決定說諸法空師子吼名守護法故有所說師子吼名作是願言我當作佛滅一切衆生苦惱師子吼名於清淨所須物中少欲知足師子吼名常能不捨阿蘭若住處師子吼名行施唱導師

子吼名不捨持戒師子吼名等心怨親師子吼名常行精進不捨本願師子吼名能除煩惱師子吼名以慧善知所行說是師子吼法時三千大千世界六種震動百千妓樂不鼓自鳴其大光明普照天地百千諸天踊躍歡喜言我等聞不退轉天子說師子吼法於閻

万四

二

浮提再見轉法輪時佛微笑諸佛常法若微笑時若干百千種青黃赤白紅紫等光從口中出普照無量無邊世界上過梵世蔽日月光還繞身三帀從頂相入於是思益梵天向佛合掌以偈讚曰  
度一切慧最勝尊 悉知三世衆生行

智慧功德及解脫 唯願演說笑因緣  
佛慧無量無障礙 聲聞緣覺所不及  
知衆生心隨應說 願最上尊說笑緣  
佛光可樂淨無穢 普照天人蔽日月  
須彌鐵圍及衆山 願無比尊說笑緣  
大聖寂然離瞋恨 天人瞻仰無厭足

一切皆蒙得快樂 願為分別說笑緣  
通達諸法空無我 水沫雲露夢所見  
水中月影虛空相 願以妙音說笑緣  
離分別想諸邪見 了空無相及無作  
常樂禪定寂然法 願說放此淨光緣  
不著文字言音聲 說不依法及衆生

彼各自謂為我說 願神通智說笑緣  
佛為醫王滅衆病 那羅延力救世者  
趣捨光明究竟道 天人供養說笑緣  
梵行牢強精進品第二十  
爾時佛告思益梵天汝見是不退轉天子不  
唯然已見梵天此不退轉天子從今已後過

万四

三

三百二十萬阿僧祇劫當得作佛号須彌燈王如來應供正遍知明行足善逝世間解無上士調御丈夫天人師佛世尊世界名妙華劫名梵歎其佛國土以閻浮檀金琉璃為地純以菩薩為僧無諸魔怨所須之物應念即至佛壽無量不可計歲。

於是思益梵天謂不退轉天子如來今已授仁者記天子言梵天如與如法性受記與我受記亦復如是思益言如法性不可授記天子言如法性不可授記者當知一切菩薩受記亦復如是思益言若如來不與汝記汝於過去諸佛所則為空住梵行天子言若無所

住是住梵行思益言云何無住而住梵行答言若不住欲界不住色界不住無色界是住梵行又梵天若行者不住我不住衆生不住壽命不住人是住梵行以要言之若不住法不住非法是住梵行又問梵行有何義答言住不二道是梵行義又問住不二道為住何

所答言住不二道是即不住一切諸法所以者何衆賢聖無所住不取於法能度諸流又問云何為修道答言不墮有不墮無亦不分別是有是無習如是者名為修道又問以何法修道答言不以見聞覺知法不以得不得證於一切法無相無示名為修道又問何謂

菩薩牢強精進答言若菩薩於諸法不見一相不見異相是名菩薩牢強精進大莊嚴也於諸法不壞法性故於諸法無著無斷無增無減不見垢不見淨出過法性是名菩薩第一牢強精進所謂身無所起心無所起於是世尊讚不退轉天子善哉善哉讚已語

思益梵天言如天子所說身無所起心無所起是為第一牢強精進梵天我念宿世一切所行牢強精進持戒頭陀於諸師長供養恭敬在空閑處專精行道讀誦多聞愍念衆生給其所須一切難行苦行懇懃精進而過去諸佛不見授阿耨多羅三藐三菩提記所以

万四

四

者何我住身口心起精進相故梵天我後得  
 如天子所說牢強精進故然燈佛授我記言  
 汝於來世當得作佛号釋迦牟尼是故梵天  
 若菩薩疾欲受記應當修習如是牢強精進  
 謂於諸法不起精進相世尊何等是不起相  
 精進佛言三世等空精進是名不起相精進

世尊云何為三世等空精進佛言過去心已  
 滅未來心未至現在心無住若法滅不復更  
 起若未至即無生相若無住即住實相又實  
 相亦無有生若法無生則無去來今若無去  
 來今者則從本已來性常不生是名三世等  
 空精進能令菩薩疾得受記梵天菩薩成就

如是法忍者能了達一切法無所捨是名檀  
 波羅蜜了達一切法無漏是名尸羅波羅蜜  
 了達一切法無傷是名羼提波羅蜜了達一  
 切法無所起是名毗梨耶波羅蜜了達一切  
 法平等是名禪波羅蜜了達一切法無分別  
 是名般若波羅蜜若菩薩如是了達則於諸

法無增無減無正無邪是菩薩雖布施不求  
 果報雖持戒無所貪著雖忍辱知內外空雖  
 精進知無起相雖禪定無所依止雖行慧無  
 所取相梵天菩薩成就如是法忍雖示現一  
 切所行而無所染汙是人得世間平等相不  
 為利衰毀譽稱譏苦樂之所傾動出過一切

萬四

五

世間法故不自高不自下不喜不感不動不  
 逸無二心離諸緣得無二法為墮二見法眾  
 生起大悲心為其受身而教化之梵天是名  
 第一牢強精進所謂得無我空法忍而於眾  
 生起大悲心為之受身說是牢強精進相時  
 八千菩薩得無生法忍佛為受記皆當得阿

耨多羅三藐三菩提各於異土得成佛道皆  
 同一号号堅精進

海喻品第二十一

爾時大迦葉白佛言世尊譬如大龍若欲兩  
 時雨於大海此諸菩薩亦復如是以大法雨  
 雨菩薩心佛言迦葉如汝所說諸大龍王所

以不雨閻浮提者非有吝也但以其地不堪受故所以者何大龍所雨澍如車軸若其雨者是閻浮提及城邑聚落山林陂池悉皆漂流如漂棗葉是故大龍不兩大雨於閻浮提如是迦葉此諸菩薩所以不雨法雨於餘衆生者亦無吝心以其器不堪受如是等法是

故此諸菩薩但於甚深智慧無量大海菩薩心中兩如是等不可思議無上法雨迦葉又如大海堪受大雨澍如車軸不增不減此諸菩薩亦復如是若於一劫若復百劫若聽若說其法湛然不增不減迦葉又如大海百川衆流入其中者同一鹹味此諸菩薩亦復如

是聞種種法種種議論者皆能信解爲一空味迦葉又如大海澄淨無垢濁水流入即皆清潔此諸菩薩亦復如是淨諸結恨塵勞之垢迦葉又如大海甚深無底此諸菩薩亦復如是能思惟無量法故名爲甚深一切聲聞辟支佛不能測故名爲無底迦葉又如大海

集無量水此諸菩薩亦復如是集無量法無量智慧是故說諸菩薩心如大海迦葉又如大海積聚種種無量珍寶此諸菩薩亦復如是入種種法門集諸法寶種種行道出生無量法寶之聚迦葉又如大海有三種寶一者少價二者有價三者無價此諸菩薩所可說

萬四

六

法亦復如是隨諸衆生根之利鈍令得解脫有以小乘而得解脫有以中乘而得解脫有以大乘而得解脫迦葉又如大海漸漸轉深此諸菩薩亦復如是向薩婆若漸漸轉深迦葉又如大海不宿死屍此諸菩薩亦復如是不宿聲聞辟支佛心亦不宿慳貪毀戒瞋恚

懈怠亂念愚癡之心亦不宿我人衆生之見迦葉又如劫盡燒時諸小陂池江河泉源在前枯竭然後大海乃當消盡正法滅時亦復如是諸行小道正法先盡然後菩薩大海之心正法乃滅迦葉此諸菩薩寧失身命不捨正法汝謂菩薩失正法耶勿造斯觀迦葉如

彼大海有金剛珠名集諸寶乃至七日出時  
 火至梵世而此寶珠不燒不失轉至他方大  
 海之中若是寶珠在此世界世界燒者無有  
 是處此諸菩薩亦復如是正法滅時七邪法  
 出爾乃至於他方世界何等七一者外道論  
 二者惡知識三者邪用道法四者互相惱亂

五者入邪見棘林六者不修福德七者無有  
 得道此七惡出時是諸菩薩知諸衆生不可  
 得度爾乃至於他方佛國不離見佛聞法教  
 化衆生增長善根迦葉又如大海爲無量衆  
 生之所依止此諸菩薩亦復如是衆生依止  
 得三種樂人樂天樂涅槃之樂迦葉又如大

萬四

七

海鹹不可飲此諸菩薩亦復如是諸魔外道  
 不能吞滅於是大迦葉白佛言世尊大海雖  
 深尚可測量此諸菩薩不可測也佛告迦葉  
 三千大千世界微塵猶可知數此諸菩薩功  
 德無量不可數也  
 爾時世尊欲重宣此事而說偈言

譬如大海能悉受  
 此諸菩薩亦如是  
 又如大海納衆流  
 此諸菩薩亦如是  
 又如大海不受濁  
 此諸菩薩亦如是

一切衆水無滿時  
 常求法利無厭足  
 一切悉歸無損益  
 聽受深法無增減  
 濁水流入悉清淨  
 不受一切煩惱垢

又如大海無涯底  
 功德智慧無有量  
 又如大海無別異  
 此諸菩薩亦如是  
 又如大海所以成  
 此諸菩薩亦如是

此諸菩薩亦如是  
 一切衆生不能測  
 百川流入皆一味  
 所聽受法同十相  
 非但爲一衆生故  
 普爲一切發道心

如海寶名集諸寶  
 菩薩寶聚亦如是  
 如大海出三種寶  
 菩薩說法亦如是  
 又如大海漸漸深  
 爲衆生故修功德

因是寶故有衆寶  
 從菩薩寶出三寶  
 而此大海無分別  
 三乘度人無彼此  
 此諸菩薩亦如是  
 迴向甚深薩婆若

又如大海不宿屍  
發清淨心菩提願  
如大海有堅牢寶  
劫燒盡時終不燒  
正法滅時亦如是  
知諸衆生不可度

此諸菩薩亦如是  
不宿聲聞煩惱心  
其寶名曰集諸寶  
轉至他方諸佛國  
堅精進者能持法  
轉至他方諸佛國

三千世界欲壞時  
百川衆流在前涸  
行小道者亦如是  
菩薩勇猛不惜身  
若佛在世滅度後  
深心清淨住是法

火劫將起燒尺地  
爾乃水王於後竭  
法欲盡時在前滅  
護持正法後乃盡  
是心中法寶不滅  
以此善法修行道

百千衆生依止海  
菩薩發心亦如是  
十方世界諸大海  
是諸菩薩所行道  
迦葉當知諸菩薩  
願欲作佛度衆生

海成非爲一衆生  
爲度一切衆生故  
猶尚可得測其量  
聲聞緣覺不能測  
勇猛精進迴向心  
尚無與等何況勝

是德寶聚如大海  
是爲最上大醫王  
是世歸依作救護  
能與世間無明眼  
是爲世間諸法王  
是爲梵王行四禪

是可供養良福田  
能療一切衆生病  
洲渚燈明究竟道  
得眼則能服甘露  
是爲帝釋決斷智  
是爲能轉梵法輪

是爲大智導世師  
是爲勇猛能破魔  
是修白法如滿月  
智慧超出如須彌  
是無所畏如師子  
是則譬如金剛山

示諸邪徑正真道  
是爲清淨除惱穢  
光明高顯猶如日  
猶如密雲雨甘露  
是心調柔如象王  
一切外道不能壞

是則清淨猶如水  
是則如風無障礙  
是拔憍慢我根等  
是持淨戒如蓮華  
是如優曇鉢羅華  
是爲知報佛之恩

是有威猛如大火  
是則如地無能動  
是如藥樹無分別  
是於世法無所染  
千萬億劫時一出  
是爲不斷諸佛種

是為精進行大悲  
 是能捨離五欲心  
 是行布施為最勝  
 是忍辱健無儔匹  
 是行禪定具神通  
 常見諸佛聽受法  
 是用慈喜而超出  
 是常求佛法寶財  
 是持淨戒無等侶  
 是勤精進無厭倦  
 能至無量諸佛土  
 如其所聞為人說

是知眾生所行道  
 是名善知方便力  
 是能善知一切法  
 是能決了因緣相  
 是能正觀於諸法  
 善知諸法無去來  
 隨其性欲根利鈍  
 是然慧燈得濟處  
 皆從和合因緣生  
 離於我見樂平等  
 為從何來至何所  
 常住法性而不動

是見有為法皆空  
 眾生妄想起眾苦  
 凡夫分別我我所  
 是能曉了法實相  
 無常為常不淨淨  
 凡夫顛倒貪著故  
 增益大悲濟眾生  
 為欲度故修行道  
 行於種種諸邪徑  
 為斷諸見講說法  
 無我謂我苦為樂  
 生死前際不可知

是能知此從顛倒  
 我當如是修正道  
 迦葉當知此菩薩  
 於其所行不可盡  
 若復有菩提心不退  
 若復有供過於是  
 無我無人無眾生  
 無常樂我及不淨  
 我所稱讚諸功德  
 猶如大地舉一塵  
 三千大千供養具  
 悉應供養如是人

若人發心願作佛  
 於去來今十方佛  
 亦皆恭敬供養已  
 是則恭敬供養我

建立法品第二十二

爾時思益梵天謂文殊師利法王子當請如  
 來護念斯經於後末世五百歲時令廣流布  
 文殊師利言於意云何佛於是經有說有示

可護念耶思益言不也梵天是故當知一切  
 法無說無示無有護念是法終不可滅不可  
 護念若欲護此法者為欲護念虛空梵天菩  
 薩若欲有所受法即非法言所以者何出過  
 一切言論是名菩薩樂無諍訟梵天若有菩  
 薩於此眾中作是念今說是法當知是人即

万四

十



非聽法所以者何不聽法者乃為聽法梵天  
言何故說不聽法者乃為聽法文殊師利言  
不漏眼耳鼻舌身意是聽法也所以者何若  
於內六入不漏色聲香味觸法中乃為聽法  
爾時會中三萬二千天子五百比丘三百比  
丘尼八百優婆塞聞文殊師利所說皆得無  
生法忍得是忍已作是言如是如是文殊師  
利如仁者所說不聽法者乃為聽法

爾時思益梵天問得忍諸菩薩言汝等豈不  
聽是經耶諸菩薩言如我等聽以不聽為聽  
又問汝等云何知是法耶答言以不知為知  
又問汝等得何等故名為得忍答言以一切  
法不可得故我等名為得忍思益言云何隨  
是法行答言以不隨行故隨行又問汝等於  
此法中明了通達耶答言一切諸法皆明了  
通達無彼我故  
爾時會中有天子名淨相謂思益梵天若有  
但聞此經佛不與授記者我當授其阿耨多

羅三藐三菩提記所以者何此經不破因果  
能生一切善法能壞魔怨離諸憎愛能令眾  
生心得清淨能令信者皆得歡喜除諸瞋恨  
斯經一切善人之所修行斯經一切諸佛之  
所護念斯經一切世間天人阿脩羅所共守  
護斯經決定至不退轉故斯經不誑至道場

萬四

十一

故斯經真實能令眾生得諸佛法斯經能轉  
法輪斯經能除疑悔斯經能開聖道斯經求  
解脫者所應善聽斯經欲得陀羅尼者所應  
善持斯經求福之人所應善說斯經樂法之  
人所應善念斯經能與快樂至於涅槃斯經  
若魔外道有所得人不能斷斯經應受供  
養人能隨其義斯經能令利根者欣悅斯經  
能令智慧者歡喜斯經能與人慧離諸見故  
斯經能與人智破愚癡故斯經文辭次第善  
說斯經究竟善隨義說斯經多所利益說第  
一義斯經愛樂法人之所貪惜斯經有智之  
人所不能離斯經施者之大藏斯經熱惱之

涼池斯經能令慈者心等斯經能令懈怠者  
 精進斯經能令妄念者得定斯經能與愚者  
 慧明梵天斯經一切諸佛之所貴重淨相天  
 子說是法時三千大千世界皆大震動佛即  
 讚言善哉善哉天子如汝所說爾時思益梵  
 天白佛言世尊是天子曾於過去諸佛所聞  
 是經耶佛言是天子已於六十四億佛所得  
 聞是經過四萬二千劫當得作佛号寶莊嚴  
 國名多寶於其中間有諸佛出皆得供養亦  
 聞是經梵天是諸比丘比丘尼優婆塞優婆  
 夷諸天龍鬼神在此會中得法忍者皆當得  
 生多寶國土

爾時淨相天子白佛言世尊我不求菩提不  
 願菩提不貪菩提不樂菩提不念不分別菩  
 提云何如來見授記耶佛告天子如以草木  
 莖節枝葉投於火中而語之言汝等莫然汝  
 等莫然若以是語而不然者無有是處天子  
 菩薩亦如是雖不喜樂貪著菩提當知是人

已為一切諸佛所記所以者何若菩薩不喜  
 不樂不貪不著不得菩提則於諸佛必得受  
 阿耨多羅三藐三菩提記爾時會中有五百  
 菩薩白佛言世尊我等今不求菩提不願菩  
 提不喜不樂菩提不貪著菩提不思念菩提  
 不分別菩提作是語已十一以佛神力即見上方  
 八萬四千諸佛授其阿耨多羅三藐三菩提  
 記爾時五百菩薩白佛言未曾有也世尊如  
 來所說甚善快哉所謂菩薩不求不願不貪  
 不喜不得菩提而諸佛授記世尊我等今見  
 上方八萬四千諸佛諸佛皆與我等受阿耨  
 多羅三藐三菩提記

如來神呪品第二十三

爾時文殊師利白佛言唯願世尊護念是經  
 於當來世後五百歲廣宣流布此閻浮提令  
 得久住又令大莊嚴善男子善女人咸得聞  
 之設魔事種種起而能不隨魔若魔民不得  
 其便以受持是經故終不退失阿耨多羅三

藐三菩提

爾時佛告文殊師利如是如是汝今善聽欲  
今此經久住故當為汝說名諸天龍夜叉乾  
闥婆鳩槃荼等呪術若法師誦持此呪則能  
致諸天龍夜叉乾闥婆阿脩羅迦樓羅緊那  
羅摩睺羅伽等常隨護之是法師若行道路

若失道時若在聚落若在空中若在僧坊若  
在宴室若經行處若在眾會是諸神等常當  
隨侍衛護益其樂說辯才又復為作堅固憶  
念慧力因緣無有怨賊得其便者使是法師  
行立坐卧一心安詳文殊師利何等為呪術  
章句

万四

鬱頭隸 頭頭隸 摩隸 遮隸 慶隸  
梯隸 緹隸 彌隸 睽樓 睽樓 埋娑隸  
韋多隸 麴丘隸 阿那彌 伽帝 摩醯  
履摩那徒摩彌 娑睽乾地薩波樓帝羅婆  
波 伽帝 辛頭隸 南無佛馱遮梨帝隸  
南無達摩涅伽陀彌 南無僧伽和醯陀毗

波扇陀彌 薩婆波彌慶帝隸 彌浮提底  
薩遮涅提舍 梵嵐摩波舍 多吉利師鞞  
波舍多 阿哆羅提訶提薩婆浮多伽婆呵  
呼奈南無佛馱悉經闍曼哆邏  
文殊師利是為呪術章句若菩薩摩訶薩欲  
行此經者當誦持是呪術章句應一心行不

調戲不散亂舉動進止悉令淨潔不畜餘食  
少欲知足獨處遠離不樂憤吏身心遠離常  
樂慈悲以法喜樂安住實語不欺誑人貴於  
坐禪樂欲說法行於正念常離邪念常樂頭  
陀細行之法於得不得無有憂喜趣向涅槃  
畏馱生死等心憎愛離別異相不吝身命及

一切物無有貪惜威儀成就常樂持戒忍辱  
調柔惡言能忍顏色和悅無惡姿容先意問  
訊除去憍慢同止歡樂文殊師利此法師住  
如是法誦是呪術即於現世得十種力何等  
為十得念力不忘失故得慧力善擇法故得  
行力隨經意故得堅固力行生死故得慚愧

力護彼我故得多聞力具足慧故得陀羅尼力一切聞能持故得樂說辯力諸佛護念故得深法力具五通故得無生忍力速得具足陸婆若故文殊師利若法師能住是行誦持呪術現世得是十力

鬼神眷屬圍繞前詣佛所頭面禮足白佛言世尊我是四天王得須陀洹道順佛教者我等各當率諸親屬營從人民衛護法師若善男子善女人護念法者能持如是等經讀誦解說我等四天王常往衛護是人所在之處若城邑聚落若空閑靜處若在家若出家我

万四

十四

等及眷屬常當隨侍供給令心安隱無有猷倦亦使一切無能嫉者世尊又是經所在之處面五十里若天天子若龍龍子若夜叉夜叉子若鳩槃荼鳩槃荼子等不能得便爾時毗留勒迦護世天王即說偈言  
我所有眷屬 親戚及人民 皆當共衛護

供養是法師

爾時毗留婆叉天王即說偈言

我是法王子 從法而化生 求菩提佛子

我皆當供給

爾時捷馱羅吒天王即說偈

若有諸法師 能持如是經 我常當衛護

周遍於十方

爾時毗賒婆那天王即說偈言

是人發道心 所應受供養 一切諸眾生

無能辨之者

爾時毗賒婆那天王子名曰善寶持七寶蓋

奉上如來即說偈言

世尊我今當 受持如是經 亦為他人說

我有如是心 世尊知我心 及先世所行

從初所發意 至誠求佛道 世尊無見頂

今奉此妙蓋 願我得如是 無見之頂相

我以愛敬心 瞻仰於世尊 願成清淨眼

得見彌勒佛 度智慧世尊 即時以偈答

万四

十五

汝於此命終 即生兜率天 從兜率下生  
得見彌勒佛 二萬歲供養 爾乃行出家  
既得出家已 淨修於梵行 賢劫中諸佛  
一切悉得見 亦皆供養之 於彼修梵行  
過六十億劫 汝當得成佛 号名為寶蓋  
國土甚嚴淨 唯有菩薩僧 為講說妙法

壽命盡一劫 若滅度已後 正法住半劫  
利益諸衆生

爾時釋提桓因與無數百千諸天圍繞白佛  
言世尊我今亦當衛護能持如是之經諸法  
師等供養供給是經所在之處若讀誦解談  
我為聽受法故往詣其所又當增益法師氣

力法句次第今不漏失

爾時釋提桓因子名曰劬婆伽持真珠蓋七  
寶莊嚴奉上如來即說偈言  
我常現了知 世尊之所行 亦當如是行  
求佛一切智 世尊於前世 無物不施與  
我當隨此行 亦捨諸所有 我今法王前

受持如是經 當數為人說 以報如來恩  
若愛念是經 是即與我同 我當供養之  
為得菩提故 世尊聲聞人 不能守護法  
於後恐怖世 我當護是經 世尊安慰我  
又斷諸天疑 我今當久如 得佛如世尊  
佛通達智慧 即時與受記 汝後當作佛

如我今無異 過去千萬劫 又復過百劫  
爾乃得成佛 号曰為智王

爾時娑婆世界主梵天王白佛言世尊我捨  
禪定樂往詣法師若善男子善女人能說是  
法者所以者何從如是等經出帝釋梵王諸  
豪尊等世尊我當供養是諸善男子是諸善

女人應受一切世間天人阿脩羅之所供養

爾時妙梵天子即說偈言

比丘比丘尼 諸清信士女 其能受此經  
是世供養處 乃至有一人 能行是經者  
我要當為人 演說如是經 敷東妙華座  
高至于梵天 於此座上坐 演說如是經

万四

十六

若於惡世中 所從聞此經 應發希有心  
踊躍稱善哉 若無量世界 大火悉充滿  
要當從中過 往聽如是經 能開佛道經  
若欲得聞者 積寶如須彌 應盡供是人  
囑累品第二十四

爾時世尊現神通力令魔波旬及其軍衆來  
詣佛所作是言世尊我與眷屬今於佛前立  
此誓願是經所流布處若說法者及聽法者  
并彼國土不起魔事亦當擁護是經爾時世  
尊放金色光照此世界告文殊師利言如來  
今護念是經利益諸法師故是經在閻浮提  
隨其歲數佛法不滅爾時會中衆生以一切  
華一切香一切末香而散佛上作是言世尊  
願使是經久住閻浮提廣宣流布於是佛告  
阿難汝受持是經不阿難言唯然受持阿難  
我今以是經囑累於汝受持讀誦爲人廣說  
阿難白佛言世尊若人受持是經讀誦解說  
得幾所功德佛告阿難隨是經所有文字章

句之數盡壽以一切樂具供養爾所諸佛及  
僧若人乃至供養是經恭敬尊重讚歎其福  
爲勝是人現世得十德之藏何等爲十見佛  
藏得天眼故聽法藏得天耳故見僧藏得不  
退轉菩薩僧故無盡財藏得寶手故色身藏  
具三十二相故眷屬藏得不可壞眷屬故所  
未聞法藏得陀羅尼故憶念藏得樂說辯故  
無所畏藏破壞一切外道論故福德藏利益  
衆生故智慧藏得一切佛法故佛說是經時  
七十二那由他衆生得無生法忍無量衆生  
發阿耨多羅三藐三菩提心無數衆生不受  
諸法漏盡心得解脫爾時阿難即從座起偏  
袒右肩頭面禮足白佛言世尊當何名此經  
云何奉持佛告阿難此經名爲攝一切法亦  
名莊嚴諸佛法又名思益梵天所問又名文  
殊師利論議當奉持之佛說是經已文殊師  
利法王子及思益梵天等行菩薩長老摩訶  
迦葉慧命阿難及諸天衆一切世人受持佛

語皆大歡喜

十七

思益梵天所問經卷第四

萬四

賈客賈上音古寶洲州下音譽譽稱余預也二音譏諱音機

也譏各良刃也反澍澍注音車軸逐下音陂池卑上音漂搖

浮反一音素早音湛然反上宅減鹹味音咸益屍音棘力居

也反刺崖底一上音吾佳反劫燒照下尸涸音鵝水洲

渚下音宴室反上於見反隸帝魔音梯反他計緹

他反扎堙堙因音窺丘反上去合你鵝徒下音義禰梯反他計緹

呼反号徒斯紫馱反徒賀嵐反郎合鞞反迷哆丁可

二反詫反丑嫁邏反郎賀捷乾音吒嫁二反家竹除反武遮劬

婆衛上音數為下去音聾